



Inatsisartunut ilaasortaq  
Jens Immanuelson  
Siumut

### **§37 toqqammavigalugu apeqquteqaat nr. 48, pineqarluni soqutigisaqaqatigiiffinnut kattuffinnullu tapiissutigineqartartut pillugit**

Asasara Jens Immanuelson,

Apeqquteqaatigisimasatit qujassutigalugit, siullermik erseqqissaassutigissavara ataani taaneqartut tapiissutit tassatuaammata Ilinniartitaanermut, Ilageeqarnermut, Kultureqarnermut Naligiissitaanermullu Naalakkersuisoqarfimmit isumagineqartartut.

***Apeqqut 1: Aningaasanut inatsit aqputigalungu suliniaqatigiiffiit kattuffiillu sorliit tapiiffigineqartarpat?***

#### **Akissut 1:**

Timersornermik kultuurimillu ingerlataqartut soqutigisaqaqatigiiffiit kattuffiillu, aningaasanut inatsit 2013-meersoq toqqammavigalugu taaneqartut tapiiffigineqartarput, pineqarput toqqaannartumik taaneqarsimasut imaluunniit immikkut aningaasanut inatsimmi immikkut kontolerlugit toqqaannartumik taaneqarsimasut:

**Timersorneq:** Kalaallit Nunaanni Timersoqatigiit Kattuffiat (GIF) aamma "Elite Sport Greenland – ESG" (*Siornatigut: "Team Greenland"*)

**Nuna tamakkerlugu meeqqanut inuusuttunullu suliniaqatigiiffiit:** Sukorseq, Kalaallit Nunaanni Spejderit Kattuffiat aammalu Sorlak.

**Kultuurikkut suliniaqatigiiffiit kattuffiillu:** EPI – eqqumiitsuliornermik ingerlataqartut peqatigiiffii kattuffiillu EPI-mi ilaasortaasut: Kalaallit Atuakkiortut, Inuit Nunaanni Nipilersortartut Kattuffiat, Kimik; Eqqumiittuliortut Peqatigiiffiat, Kalaallit Nunaanni Erinarsoqatigiit Kattuffiat, Kalaallit Isiginnaartitsisartut Kattuffiat; KAISKA.

Danmarkimi Kalaallit peqatigiiffiisa kattuffiat Inuit.

**Tamatuma saniatigut Danske Spil-ip sinneqartoorutaanit nunatsinnut ingerlatinneqartartunit ukununnga tapiisoqartarpoq;** Ingerlatsinernut immikkullu iliuuseqarnernut qinnuteqareernikkut tapiissutaasartut. Taakkua Tips aamma Lotto-mit tapiissutigineqartarput pingasoqiusanngorlugit immikkoortiterneqartarput; A- B- C, taakkuli Inatsisartut Inatsisaat nr. 10, 22. november 2011-meersoq toqqammavigalugu eqquniaasarnerni sinneqartoorutit ilaannit tapiissutaasarlutik.

Immikkoortoq A-mit pineqartut timersornermut sammitinneqartarput, imm. B-mit Meeqqat Inuusuttuaqqallu suliniaqatigiiffiit sammisuullutik, taavalu imm. C-miittut innuttaasut akornanni suliniutigineqartartunut, ilanngullugu kultuurikkut, isumaginnikkut, avatangiisini suliniuteqarnermut nalinginnaasumillu innuttaasut akornanni ilisimatusarnernut suliniutigineqartunut tapiissutaasarlutik.

17-05-2013  
Sags nr. 2013-079557  
Dok. nr. 1218642

Postboks 1029  
3900 Nuuk  
Tlf: +299 34 50 00  
Fax +299 32 20 73  
Email: [iiknn@nanoq.gl](mailto:iiknn@nanoq.gl)  
[www.nanoq.gl](http://www.nanoq.gl)

Kalaallit Nunaanni Timersoqatigiit Kattuffiata (GIF-p) tips- aamma lottomit sinneqartoorutit imm. A-mi taaneqartut, timersoqatigiiffiit ilaasortaanut kattuffinnut 9-usunut (ilaasortarisaminut) agguaattarpai. Taamaasilluni GIF-p Naalakkersuisut sinnerlugit Tips aamma Lotto-mit sinneqartoorutisiat peqatigiiffinnut timersornikkullu soqutigisaqaqatigiiffinnut agguaattarpai.

Imm. B-mi taaneqartut tips aamma lottomit sinneqartoorutit Sorlaap agguaattarpai.

Imm. C-mi taaneqartuni peqatigiiffiit soqutigisaqaqatigiiffillu assigiinngitsut ingerlatsinerminnut ukiut tamaasa 15. december nallertinnagu qinnuteqaateqarsinnaasarpur. 2013-mut tunngatillugu ukununnga qinnuteqaateqartoqareerneratigut tapiissuteqartoqarnikuvoq:

Kimik, Film.gl, Kalaallit Atuakkiortut, Kalaallit Nunaanni Peqatigiiniat, Kalaallit Nunaanni Qimussertartut Kattuffiat, Kattuffik Utoqqaat Nipaap, Kalaallit Røde Korsiat.

Imm. C-mi soqutigisaqaqatigiiffiit peqatigiiffillu taaneqartut ingerlatanut makkununnga tapiissutissanik qinnuteqaateqartoqarsimanagera toqqammavigalugu (02.05.2013-mi qinnuteqarsimanagerit toqqammavigalugit) tapiiffigineqarsimappur:

Neriuiffiit Kattuffiat, Kalaallit Røde Korsiat, Meeqqat Erinarsoqatigiit Ikinngutaat, Nunani Avannarlerni Erinarsoqatigiissuit, Avannaata Qimussersua, KNQK Uummannaq, Nunaqarfimmioqatigiit Kangerluk, Vilhelm Lyngge Erinarsoqatigiivi, Qeqqani Erinarsoqatigiit Kattuffiat.

Peqatigiiffiit soqutigisaqaqatigiillu 2013-mut tunngatillugu 15. septemberimi 15. novemberimilu ingerlatsinerminnut qinnuteqaateqarsinnaappur (aamma 15. december 2013-mi 2014-mut tunngatillugu ingerlatsinissaminut qinnuteqaateqarsinnaassallutik).

## ***Apeqqu 2: Aamma aningaasat suliniaqatigiiffinnut kattuffinnullu immikkoortiterlungit qanoq tapiisoqatarpa?***

### **Akissut 2:**

Kultuurikkut timersornikkullu ingerlataqartut soqutigisaqaqatigiiffiit kattuffiillu, 2013-mut aningaasaqarnermut inatsit toqqammavigalugu tapiiffigineqartartut imaluunniit immikkut aningaasanut inatsimmi kontoqartinneqartut eqqarsaatigalugit, taakkununnga maleruagassat makku atuuppur:

**Aningaasanut inatsit toqqammavigalugu timersornermut tapiissutit:** Kalaallit Nunaanni Timersoqatigiit Kattuffiannut tapiissutaasartut sinaakkutaliussatut tapiissutaasarpur makkununngalu atorineqartussaallutik: ingerlatsinermut, sulisorineqartut pikkorissarnissaanut, pisortanut ilitersuisunullu, siunnersortinut angalanernullu, kattuffinnut assigiinngitsunut aammalu nunani assigiinngitsuni unammuaarnernut suleqatiginninnernut, ilanngullugu Arctic Winther Games-*ini* kultuurikkut timersornikkullu katerisimaaqatigiinnernut unammuaarnernullu. Kalaallit Nunaanni Timersoqatigiit Kattuffiata nakkutiginiartussaavaa, timersornermut tapiissutit ilumut meeqqat inuusuttuaqqallu timersornikkut sammisunik suliniutigineqarfineqarnerinut iluaqutaasumik sukumiisumillu aningaasaliissutit siammasissumik atorineqarnerisut. Naalakkersuisut ukiut tamaasa anguniakkat pillugit GIF-imik sinaakkutassat pillugit isumaqatigiissuteqartassaaq. Tassuunatigut GIF-ip, soorlu 2013-mi suliniutigisassai, nalunaaruteqartarnissaa aammalu naatsorsuutininik takussutissiisarnissaa aqutissiuuneqartassaaq.

Elite Sport Greenland-imut (ESG-mut) (siornatigut "Team Greenland-imut") missingersuusiortoqarnerani ilanngunneqartassappur nalinginnaasumik ingerlatsinernut

aningaasartuutit, soorlu ilinniagaqarnernut tapiissuteqarnerit immikkut piukkussanut sukumiisumillu timersornikkut ingerlataqartunut aningaasaliissutit, taavalu aamma Naalackersuisoqarfiup tungaanut pisussaaffeqarnermi aningaasartuutit matussutissaat. Tapiissutit ilaannit kr. 250.000-t, Kalaallit Nunaat sinnerlugu Olympiadeqarnerni, Nunarsuatsinni pissartanngorniuunnerni, Europami pissartanngorniuunnerni, Amerikkap nunataani pissartanngorniuunnerni imaluunnit World Cups-ini peqataanernut aningaasarsiaasaagaluanit annaasaqaatigineqartunut matussusiisoqartassaaq.

**Meeqqanut inuusuttuaqqanullu nuna tamakkerlugu suliniaqatigiiffinnut aningaasanut inatsit aqqtugalugu tapiissutaasartut:** Tamakku meeqqanut inuusuttunullu nuna tamakkerlugu suliniaqatigiiffiusut ingerlanneqarnerinut tapiissutaasarput.

Sukorseq-mut (sunngiffimmi klubbit kattuffiannut), tamatumani kattuffiup allaffissornikkut ingerlanneqarneranut kisiat missingersuutitut tapiisoqartarpoq, tassami piffinni nunallu immikkoortuini ingerlatsinernut tapiissutit kommuninit isumagineqartarmata, taakkunungalu ataatsimoorussanik tapiissuteqartoqartarluni. Ilaasortat sulisullu arlaatigut iliuseqaataannut tapiissuteqartoqarneq ajorpoq.

Kalaallit Nunaanni Spejderit Kattuffiannut tapiissuteqartarnerni makkununga missingersuusiortoqareerneratigut tapiissuteqartoqartarpoq; siunnersorteqarnermut, pisortanik ilaasortanillu ilinniartitsinernut, ingerlatsinermut kattuffiullu nalinginnaasumik suliniuteqartarnerinut.

Sorlak-mut (Kalaallit Nunaanni Sukorsit peqatigiiffiisa Suleqatigiiffiat) missingersuusiornermi ilanngunneqartarput: allaffissormermut aningaasartuutit. Tamatumani ilanngullugit nalinginnaasumik Tips aamma Lottomit tapiissutit piareersarneqarnerinut ingerlatsinermut aningaasartuutit taavalu Nunani Avannarlerni suleqataanermut. Tapiissutit iluanni 150.000 kr.-nit Sorlaap inuusuttunut højskoleqartitsinissaanut immikkoortinneqartarput.

**Kultuurikkut suliniutilinnut kattuffinnullu tapiissutit:** EPI-mut tapiissutit, Inuit Kattuffiannut tapiissutit, qinnuteqareernikkut aningaasanut inatsimmi immikkoortinneqarsimasunit tapiissuteqartoqarsinnaasarpoq: "Kultuurikkut tapiissutit allat", takuuk kultuurikkut sunngiffimmilu ingerlatsinernut tapiissutaasartut pillugit Inatsisartut peqqussutaat nr. 10, 21. maj 2002-meersoq.

**2013-mut aningaasanut inatsit toqqammavigalugu imatut toqqaannartumik tapiissuteqartoqarpoq:**

Aning.Inatsit konto	tapiiffigisaq	Aningaasat kr.	Note
30.19.13	GIF	7.131.000,00	
30.19.13	ESG	532.000,00	
30.19.14	Sukorseq	252.000,00	
30.19.14	KN-mi Spejderit	558.000,00	
30.19.14	Sorlak	1.830.000,00	
30.21.01	EPI	600.000,00	Qinn. naapertorlugu
30.21.01	INUIT	180.000,00	Qinn. naapertorlugu

**Kalaallit Nunaata Danske Spil-ip kaaviaartitaanit/sinneqatoorutaanit pissarsiarisartagai pillugit**

Tips aamma Lottomit tapiissutigineqartartut nalinginnaasut Inatsisartut Inatsisaanni nr. 10, 22. november 2011-mi allaqqasut toqqammavigalugit imatut agguaaneqartartussaapput:

- 1) 50 % siammasissumik timersornikkut ingerlatsinernut, ilanngullugit innarluutillit utoqqaallu timersortinneqartarnerinut
- 2) 9,1 % piukkussanut sukumiisumillu timersornikkut ingerlataqartunut,
- 3) 13,6 % meeqqanut inuusuttuaqqallu suliniaqatigiiffiitut, aammalu
- 4) 27,3 % suliniutinut nalinginnarnut allanut, tamatumani ilanngullugit kulturikkut suliniutit, innuttaasunik qaammarsaanernut sammisut, peqqissutsikkut suliniutinut taamatullu pitsaaliuinnikkut suliniuteqarnernut, isumaginninnikkut suliniuteqarnernut, avatangiisitsinni suliniuteqarnernut aammalu nalinginnaasumik iluaqutissatigut ilisimatuussutsikkut suliniuteqarnernut.

§ 1 imm. 1-mi taaneqarsimasut imatut agguaneqartarput:

- 1) § 1, imm. 1, nr. 1-mi taaneqarsimasut toqqammavigalugit Kalaallit Nunaanni Timersoqatigiiffiit Kattuffiannut tapiissutit ingerlanneqartarput, tassanngaanniillu siammasissumik timersornikkut ingerlatanut, ilanngullugit innarluutillit utoqqaallu timersortarnerinut ingerlateqqinneqartarlutik,
- 2) § 1, imm. 1, nr. 2-mi tapiissutit taaneqarsimasut Elite Sport Greenland-imut ingerlanneqarlutik, tassanngaanniit immikkut piukkussanut sukumiisumillu timersornikkut ingerlataqartunut ingerlateqqinneqartarput,
- 3) § 1, imm. 1, nr. 3-mi tapiissutit taaneqarsimasut Sorlak-mut ingerlateqqinneqartarput, tassanngaanniillu meeqqat inuusuttuaqqallu peqatigiiffiitut ingerlateqqinneqartarlutik, taavalu
- 4) § 1, imm. 1, nr. 4-mi taaneqarsimasut, qinnuteqaatit toqqammavigalugit Naalakkersuisunit agguaneqartarput.

**2013-mut tunngatillugu Danske Spil-mit Kalaallit Nunaanni kaaviartissimasaannit sinneqartoorutit nunatsinnut atugassiarineqartut imatut agguaneqarsimapput (02.05.2013 tikillugu agguaneqarsimasut):**

Aning.Inats. konto	Tiguisut	Aningaasat kr.	Nassuiaatit
30.19.21	GIF	13.347.497	Imm. A-mit
30.19.21	Team Greenland	2.429.243	Imm. A-mit
30.19.21	Sorlak	3.630.518	Imm. B-mit

Tips aamma Lotto-mit pissarsiat C-miittut (ingerlatsinernut suliniuteqarn. Tapiissutit 02.05.2013 tikillugu imatut agguaneqarsimapput:

Aning.Inats. konto	Tiguisut	Aning. kr.	Nassuiaatit
30.19.21	Kal.Nunaani Qimmuss. Kattuffiat	225.000	Ingerlatsinermut imm.suliniutinut tapiissutit
30.19.21	Kal. Nun. Røde Kors	150.000	Ingerlatsinermut imm.suliniutinut tapiissutit
30.19.21	Neriuiffit Kattuffiat	150.000	Immikkut suliniutinut
30.19.21	Kat. KIMIK	75.000	Ingerlatsinermut tapiissutit
30.19.21	Peq. Film.gl	75.000	Ingerlatsinermut tapiissutit
30.19.21	Kalaallit Atuakkiortut	75.000	Ingerlatsinermut tapiissutit
30.19.21	Kal. Peqatigiiniat	75.000	Ingerlatsinermut tapiissutit

*Apeqquut 3:*

***Tapiissuteqartoqarsimappat aningaasat qanoq atortinneqarsimanersut takussutissanik paasissutissiisoqartarpa?***

**Akissut 3:** Tapiissutit pineqartillugit nalinginnaasumik naatsorsuusiortoqarnissaanik piumasaqaateqartoqartarpoq.

Timersormermit tunngatillugu GIF-mik naammassinninnissamik isumaqatigiisummi allaqqasut toqqammavigalugit oqimaaqatigiissaarinnittoqartarpoq, taamatullu ukiumoortumik naatsorsuutit kukkunersiorneqarsimasut kattuffinniit Kalaallit Nunaata Timersoqatigiiffianiillu pissarsiarineqartussaassallutik.

Meeqqat inuusuttuaqqallu soqutigisaqaqatigiiffiisa aammalu kultuurikkut soqutigisaqaqatigiiffiit eqqarsaatigalugit, aamma taakkua naatsorsuutininik kukkunersiorneqarsimasunik naalakkersuisoqarfimmiillu akuerineqarsinnaasariaqartunik tunniussisussaataapput.

Tips aamma Lottomit kultuurikkullu tapiissutinik pissarsisoqarsimatillugu, tamatumani suliniuteqarnenilu naatsorsuutininik kukkunersiorneqarsimasunik tunniussisoqartussaavoq, taamatullu kattuffiit attuumassuteqartut ukiumoortumik naatsorsuutiminnik tunniussisussaataasarlutik. Naatsorsuutit tapiissuteqartarneni piumasaqaatigineqartartut naapertorlugit suliarineqarsimanissaat piumasaqaataasarpoo. Tapiiffigineqarsimasup uppersarsinnaasariaqarpaa, ilumut akissarsianit il.il. akileraarutitigut isumagisassat naapertuuttumik isumagineqarsimanersut. Naatsorsuutit takutippassuk, qinnuteqaateqarsimanermit missingersuusiarineqarsimasut uningaatsiarneqarsimasut, pisimasut pillugit nassuiaateqartoqarnissaanik piumasaqaateqartoqartarpoq. Tapiissutit qinnuteqaateqartoqarsimaneranut sanilliullugit atorneqarsimanngippata, imaluunniit iliuuseqarnermi sinneqartooteqartoqarsimassagaluarpaa, taava naalakkersuisoqarfiup tapiissutigineqartut imaluunniit taakkua ilai uterteqqusinnaavai. Naatsorsuutininik nassiussinngitsoorneq imaluunniit naatsorsuutininik kingusinaarluni nassiussisoqarsimassappat, siunissami tapiissuteqartoqarsinnaanera unitsinneqarsinnaavoq, tamannalu atuutitinneqassalluni Naalakkersuisoqarfimmit piumasaqaatigineqarsimasut naammassineqarnissaasa akuerineqarnissaasalu tikillugu.

Neriuutigaara apeqqutigineqartut naammaginartumik akissuteqarfigisimassallugit.

Inussiarnersumik inuulluaqqusillunga



Nick Nielsen